


Teksi ya Nanu

Marion Drew

Kiswahili




Hujambo! Jina langu ni Nanu. Ninasubiri teksi na mamangu.
Tunaenda nyumbani.



Hapa nimesimama kwenye mstari. Mamangu ananiimbia wimbo.


"Njoo Bwana Teksi kwani huoni! Twasubiri, Nanu na mimi!"



Mwanamke alikye karibu nami anawapeleka kuku nyumbani.
Watataga mayai ili ale.



Wanaume hawa wanarudi kutoka kazi. Wanatabasamu. Nawasikia wakiimba, "Nanu mdogo, usiwe na wasiwasi. Teksi yaja kwa haraka."



Mwanamke anapita akitembea. Yuko nadhifu sana. Viatu vyake si vizuri kweli?
Vinaenda "click, click, click...click click, click.." anapotembea.



Mwanamme huyo anauza vinywaji baridi. Napenda vinywaji baridi. Ni baridi na vitamu sana. Je, unavipenda?



Hebu! Kuna wanawake wanapeleka chakula chao cha jioni nyumbani vichwani mwao. Je, si werevu?



Mwanamke huyo anasukwa nywele zake. Ataenda nje na marafiki zake leo usiku.



Nimechoka sasa. Mamangu ananiweka mgongoni kwake
nikapumzike. Anaimba, "Tafadhali Bwana Teksi, usichelewe,
Gogo anasubiri kwenye lango lako."



Kuna rafiki yangu Tumi. Yeye pia anapumzika. Tutakuwa nyumbani hivi karibuni.



Hapo juu ndege wanaruka kwenda nyumbani. Lazima wafike nyumbani kabla giza kuingia.



Mwanamke huyu ana vipuli maridadi.
Nadhani alivinunua mjini leo.
Nikiwa mkubwa, nitanunua vipuli vingi vyangu na vya
mamangu.



Mamangu anaanza kuchoka sasa.


Namwimbia wimbo, "Tafadhali Bwana Teksi, unakuja,
tunasubiri, mimi na mamangu."



Ngoja! Ninasikia tekisi! Hivi hapa inakuja!!!



Hii ni tekisi yetu kubwa nyekundu. Imekuja kunipeleka mimi na mamangu nyumbani. Nimefurahi sana!



Kwaheri!!!

Teksi ya Nanu

Writer: Marion Drew

Illustration: Marion Drew

Translated By: Brigid Simiyu

Language: Kiswahili



© Marion Drew



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this
story and use the illustrations as long as you attribute or credit the
original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative